



Rijksdienst Caribisch Nederland  
Studiefinanciering

Bo ta bai studia na Hulanda? E ora ei bo por bini na remarke un biaha pa un Supsidio pa Start di RCN-Studiefinanciering. E Supsidio pa Start ta un kompensashon pa e gastunan ku bo tin ora bo ta bai biba na Hulanda. Por ehèmpel bo gastu di pasashi, un baiskel, un yas pa wenter, i gastu pa bo muebla i kumpra kos ku mester pa bo kamber di studiante.

# Studia na Hulanda Oropéo? Apliká pa un Supsidio pa Start

## Formashon

E Supsidio pa Start ta konta pa un estudio fultaim pa mbo, na nivel 3 òf 4, hbo, òf pa universidat na e parti Oropéo di Hulanda.

Bo ta bai sigui un estudio di mbo, na nivel 1 i 2 na Hulanda Oropéo?

E ora ei bo no ta bin na remarke pa un Supsidio pa Start.

## Edat

Pa bin na remarke pa un Supsidio pa Start bo mester ta mas yòn ku 30 aña.

Bo ta bai hasi un estudio di mbo, nivel 3 òf 4 den aña di estudio 2019-2020? E ora ei bo mester tin 18 aña òf mas promé ku 1 di yùli 2020.

Pa estudio di hbo òf universidat e edat mínimo akí no ta konta.

## Nashonalidat

Bo mester tin nashonalidat hulandes.

Bo no tin nashonalidat hulandes? E ora ei bo mester ta bibá pa poko dies aña na Hulanda Karibense pa bini na remarke pa Supsidio pa Start.

## Beka di Prestashon i fiansa

E Supsidio pa Start ta konsistí di un beka di prestashon di \$2.635,73 pa un bia so. Bo ta saka bo diploma denter di dies aña? E ora ei bo no tin nodi di paga e suma akí bèk. Esei no ta logra? E ora ei ta un fiansa ku bo tin ku paga bèk ku interes.

Banda di esei bo por fia un suma máksimo di \$5.271,46 pa un bia so. Semper bo mester paga e suma akí bèk. Bo ta paga interes riba e fiansa. Ta adaptá e interes akí kada aña. Na 2018 e interes tabata 0,0%.







## Apliká

Pa bini na remarke pa un Supsidio pa Start bo mester ta bibá na Hulanda Karibense ora bo ta hasi bo aplikashon. Kemen apliká pa Supsidio pa Start promé ku bo kuminsá ku bo estudio na Hulanda. Bo a apliká pa Supsidio pa Start ora bo estudio a kuminsá kaba? E ora ei bo no tin derechi mas riba Supsidio pa Start. Bo por apliká usando e formulario (na hulandes) riba wèpsait di RCN-Studiefinanciering ([www.rijksdienstcn.com/supsiopastart](http://www.rijksdienstcn.com/supsiopastart)). Aki bo ta haña splikashon tambe di e formulario na papiamentu.

## Guia

Si bo ta bai Hulanda bo por haña guia grátis den bo di promé aña via RCN-Studiefinanciering. E serviso akí ta enserá entre otro regla un buelo den grupo pa Hulanda, akohida na Schiphol, i un seguro adishonal riba pakete básiko. Durante henter aña bo ta haña guia tambe di un mèntòr. Bo mèntòr ta yuda bo entre otro ku inskripshon na munisipio kaminda bo ta bai biba, aplikashon pa 'Burgerservicenummer' i habrimentu di un kuenta bankario. Fuera di serviso di guia bo por hasi uso tambe di serviso di bibienda. Esaki ta enserá ku e mèntòr ta hasi su máksimo esfuerso pa haña un lugá di biba adekuá pa bo.

## Finansiamentu di estudio na Hulanda

Banda di Supsidio pa Start bo por apliká pa finansiamentu hulandes di bo estudio na Hulanda serka Dienst Uitvoering Onderwijs, (DUO). Bo ke mas informashon tokante finansiamentu di estudio na Hulanda? Wak e ora ei riba [www.duo.nl/antillen](http://www.duo.nl/antillen).

Les e foyeto tambe 'Finansiamentu di estudio Pa studiantenan di Aruba, Corsou, Sint Maarten y Caribe Hulandes.' Bo por download esaki via saít di DUO.

**OCW - Onderwijs, Cultuur en Wetenschap**  
[www.rijksdienstcn.com](http://www.rijksdienstcn.com)